

Si₂ carta a₂ ca₂ jmo₃ San Pablo ne₄ dsa₂ EFESIOS

Jmo₅ Pa₄ si₂ a₂chein₃ ne₄ Guá'₅ i₂chan₂ juig₂ Efeso

¹ Jniá₂, Pablo, co₂nē₅ ca₂rē₃'ñi₃ó₃ dsí₅ Diú₄, líng₅ jan₂ i₂chen₄ quián₅ Jesucristo. Jmo₅ jniá₂ si₂ la₂ a₂tsíng₂ ja₁con'₂ 'nia'₂ i₂tén₅ le₃qui₃ó'₅ Diú₄* i₂chan₂ ciudad Efeso,† ja₁con₂ ca₂le₃jín₃ guě₄ i₂'én₂ le₃qui₃ó'₅ Cristo Jesús.

² Ju₁i₁jme₂gu'₅₄ bá₄ Diú₄ Jmei₂ jniog₄, quian'₅₄ Te₁gui'₅₄ Jesucristo ně₃. Ju₁i₁jmo₁₂ bá₄ 'ei₅ tei₄chan'₂ 'nia'₂.

*'A₂ lia'₂ jme₂gu'₅₄ Diú₄ le₃qui₃ó'₅ jme₂dsí₂, o₄qui₃ó'₄
Cristo*

³ Ju₁i₁jme₁juin'₂ jniog₄ Diú₄ Jmei₂ Jesucristo Te₁gui'₅₄ quián₂, ia₁ le₃qui₃ó'₅ Cristo bá₄ ma₂ca₂jme₃gu'₅₄ 'éi₂ jniog₄ 'ñi₃o₅ lin₃ quian'₅₄ ca₂le₃jě₃ ne₅₄ a₂dse₃ a₂gu₂dsí₂ a₂já₅ guei'₅₄ i₂juí₃.

⁴ Lia'₂ con'₂ né'₃ a₂jmo₃ Diú₄ mi₂güí₃, ca₂qui₃ó'₂ jniog₄ a₂léi₂ dsa₂ i₂ná₁u₁ le₃qui₃ó'₅ Cristo, ia₁jaun₂ le₃chong₂ le₃ne₅₄ lě₅ 'í₁ quián₅, tsá₃ ma₃'e₂ dsá₁u₁ jniog₄ cha₂. 'Uig₅₄ ia₁ a₂'nio₃ bá₄ jniog₄,

⁵ ca₂qui₃ó'₂ ca₂le₂jñiá₅, a₂guéi'₂ léi₂ jniog₂ chi'₂-guein₂ quián₅ tē₂le₃ quian'₅₄ Jesucristo, lia'₂ con'₂ lě₅ ca₂i₃jio₅ dsí₅. Ia₁ le₂nē₅ ca₂rē₃'ñi₃ó₃ dsí₅ 'ñi₃og₅.

* **1:1** lit. “dsa₂jñi₃ó₅.” † **1:1** A₂lin₅₄ chog₅₄ si₂ tsá₃ chi₁ton₅ “ciudad Efeso.”

6 'Uig₅₄ në₅ ně₃ jme₂juín'₁ jniog₄ Diú₄ ia₁ 'ua₁ dsí₅ 'ñio₅ lín₃, jaun₂ ca₂jme₃gu'₅₄ jniog₄ le₃quió'₅ Ja₁ñi'₅₄ i₂ñí₄ 'nioi₃ lín₃.

7 'Éi₂ bá₄ ca₂quí₃ ca₂láu₂ jniog₄ të₂le₃ quian'₅₄ jmi₂ 'ain₅₄, ca₂'éin₂ dsáu₁ jniog₄ a₂jme₁le₁cáu'₄, të₂le₃ ia₁ a₂ñí₄ lě₃ 'ua₁ dsí₅.

8 A₂dse₃ dsí₅ lín₃ bá₄ Diú₄ ca₂jmo₃ a₂le₃ñí'₂ dsí₅ jniog₄ a₂le₃tag₂ ca₂le₃jě₃,

9 a₂ma₂ca₂jme₃jniai₂₃ ja₁con₂ jniog₄ jág₁ quió'₅ a₂jme₁rě₂'ma₄, a₂i₃jio₅ dsí₅ jmo₃, lia'₂ con'₂ lě₅ ca₂rě₃'ñió₃ dsí₅ jmo₃ a₂dse₃ dsí₅. 'Ñiog₅ bá₄ Diú₄ ca₂lě₃ dsí₅ jmo₃ le₃quió'₅ Cristo.

10 Lia'₂ con'₂ lě₅ jág₁, jme₃ti₃ bá₄ lia'₂ tí₅ jág₁ quió'₅ jě₁ma₂ca₂tě₂ jmi₄ a₂'i₄ 'éi'₃ dsia₃ o₄gú₃ Cristo a₂jmo₃ 'éi₂ 'éi'₃ lia'₂ guei'₅₄ i₂juíg₃ lia'₂ ne₄ gua'₅₄ 'uě₃.

11 Ján₃ bá₄ le₂ně₅, a₂tióng₂ jnia'₅₄ le₃quió'₅ Cristo, ca₂quió'₂ Diú₄ të₃jñiá₅ lia'₂ con'₂ lě₅ ta₁ quió'₅ a₂ma₂i₂jio₅ dsí₅ jmo₃ le₂jñiá₅. Ia₁ Diú₄ bá₄ i₂jmo₅ 'e₂ niog₅ lě₂, lia'₂ con'₂ lě₅ dsí₂jio₅ dsí₅ jmo₃.

12 Le₂ně₅ ma₂ca₂jmo₃ ia₁jaun₂ jnia'₅₄ i₂le₂'uig₅₄ 'éi₁ caun₂ dsí₅ të₂le₃ quió'₅ Cristo, le₃chong₂ jnia'₅₄ jmó₁ juě'₂ a₂co₂tág₅ quió'₅.

13 Ján₃ bá₄ le₂jaun₂ jme₁ca₂nei'₂ 'nia'₂ jág₁ tí₅, jme₁ca₂rě₃'ě₂ jág₁ a₂lión₂ dsa₂, jaun₂ ca₂rě₃'én'₂ bá₄ 'nia'₂. Jaun₂ ca₂jme₁quian'₄ bá₄ 'nia'₂ Cristo ca₂lín'₃ 'nia'₂ léi₄ a₂lín'₅ i₂quián₅ Diú₄ të₂le₃ quian'₅₄ Jme₂dsí₂ Jñió₅ i₂ma₂lě₅ jág₁ cu_{in}₃ Diú₄.

14 Jme₂dsí₂ Jñió₅ 'éi₂ bá₄ ně₃ lín₅ co₂'nió'₄ caun₂ cu₄ a₂ma₂quiog₂ dsa₂ të₃jñiá₅ co₂'nió'₄ a₂ma₂lě₅ chi₁quian₅ quián₂ jniog₄ a₂tě₃dsón'₂ guéi₁ a₂ca₂tág₂

a₂cuë₃ Diú₄ jë₁ma₂ca₂'ñia₅ a₂lióin₂ dsa₂ quiáin₅,
ia₁jaun₂ jme₃juë'₂ dsa₂ a₂co₂tág₅ quió'₅.

Mi₅ Pa₄ ne₄ Diú₄ a₂jmo₃ a₂le₃ñí'₂ dsí₅ dsa₂ 'én₂

15 'Uig₅₄ jaun₂ jniá₂ ně₃, jme₁ca₂rë₃guion₅₄ a₂'én'₂
'nia'₂ të₂le₃ quió'₅ Te₁gui'₅₄ Jesús, con'₂ siá'₂ táng₃ ia₁
'nió'₃ bá₄ 'nia'₂ ca₂le₃jín₃ i₂tén₅ le₃quió'₅ Diú₄,

16 jaun₂ ně₃ ca₂le₃o₃ jmig₄ bá₄ tsá₃ lë₅ jua'₅₄ tsá₃
cuë₅ ti₁'mag'₄ o₄quián'₂ 'nia'₂, 'ín₅ jniá₂ 'nia'₂ ne₅₄.

17 Caun₂ qui₂mi₅ jniá₂ juíg₂ Diú₄ quián₅ Te₁gui'₅₄
Jesucristo quián₂ jniog₄, i₂lín₅ Tia₅₄ juin'₂, jui₁jmo₁₂
bá₄ a₂lén'₂ 'nia'₂ dsa₂ i₂tín₂ i₂niog₅ dsi₄ të₂le₃ quió'₅
jme₂dsí₂, a₂le₃ñí'₂ 'au'₂ 'nia'₂ a₂jme₃jniai₂₃ ia₁jaun₂
le₃cuin'₂ guë₄ 'nia'₂ dse₃.

18 Mi₅ jniá₂ ján₃, jui₁jme₂jnio₅₄ ne'₅₄ 'nia'₂, ia₁jaun₂
le₃ñi'₅₄ 'e₂ jaun₂ a₂le₁'ág₄ caun₂ 'au'₂ 'nia'₂ a₂ma₂të₂₃
a₂cuë₃; a₂quen₅ lín₃ bá₄ ca₂le₃jë₃ a₂jlá'₁ a₂ca₂tín₂ dsa₂
i₂lë₅ 'í₁ quiáin₅;‡

19 mi₅ jniá₂ ju₁le₂ñi'₅₄ 'nia'₂ ján₃, 'e₂ guë₄ tson₂
juë'₂ bí₂ quió'₅, a₂niog₅ jmo₂₃ le₃quián₂ jniog₄
i₂'éin₂. Ju₁bí₂ ně₅ ně₃ a₂le₂jaun₂ bá₄ ně₅ ju₁lia'₂
a₂ca₂jme₃jnia₅ Diú₄

20 jme₁ca₂jme₃jein'₅₄ Cristo ja₁jme₁rë₂'lín₅₄
a₂ca₂dsiog₃ jaun₂ ně₃ le₃gu₂ ne₁ quió'₅, guei'₅₄ i₂juíg₃.

21 Ja₁jaun₂ ca₂dsiog₃ ca₂'ag₃ a₂lín₅ ta₁ juë'₂ lín₃
a₂goín₂ ne₄ quió'₅ ca₂le₃jë₃ 'éi'₃, ne₄ quió'₅ ca₂le₃jë₃
ju₁bí₂ a₂cha₂. 'Éi₂ bá₄ juin'₂ ne₄ quió'₅ ca₂le₃jín₃
dsi₂tan₅₄ i₂'uan'₂ gon₂, ne₄ ca₂le₃jín₃ i₂juin'₂ i₂lín₅
juig₅₄, ján₃ bá₄ 'éi₂ juin'₂ ne₄ ca₂le₃jë₃ ne₅₄ ta₁ a₂lé₂

‡ 1:18 lit. “a₂ca₂tín₂ dsa₂ jnió₅.”

le₃lén₂ dsa₂, on₃jua'₅₄ jmá'₃ mi₂güí_{g3} la₂, ηó₅ nē₅
jmo₂₃ 'éi'₃ le₂tan₅₄ mi₂güí_{g3} caun₂.

²² O₄tag₄ Cristo bá₄ ca₂ton'₂ Diú₄ ca₂le₃jín₃ i₂chan₂,
ca₂le₃jě₃ a₂cha₂ ně₃, jaun₂ 'ηiog₅ guē'₂ Cristo ca₂'iín₃
a₂lín₅ mi₂dsi₄ ne₄ ca₂le₃jě₃ le₃quió'₅ guá'₅ quiáin₅.

²³ Jaun₂ guá'₅ quiáin₅ ně₃, lě₅ co₂'nió'₄ ni₁ηi₁₂ 'ηiog₅
a₂rě₂'ηia₅ ta₁jain₂; jaun₂ Cristo 'ηiog₅ bá₄ jme₃'ηiai₂₃
ca₂le₃jě₃ guē₄ a₂'nió'₅ ca₂le₂con₂.

2

Ca₂rě₃chóng₃ jniog₄ le₃quió'₅ Cristo

¹ 'Nia'₂ ně₃, jme₁tiong'₅₄ le₂ηiá₅ líng'₅ 'lag₄ ne₄
'uig₅₄ a₂jme₁i₂niog'₅₄ i₁juíng'₅₄, le₁cáng'₄ dsáu'₂,

² lia'₂ con'₂ jme₁chang'₂ tiong'₅₄ 'éng'₅ jui₅ con'₂ lě₅
jiog₅ mi₂güí_{g3} la₂, jme₁jme₂tí'₁ 'nia'₂ con'₂ lě₅ 'ηio₂
dsí₅ jme₂dsí₂ i₂gon₂ ne₄ 'éi'₃ a₂cha₂ jě₄ dsí₂, i₂jmo₅ ta₁
tě₂dsí₅ jaun₅ dsa₂ i₂tsá₃ ne'₅₄, i₂tsá₃ gan₃ Diú₄.

³ Le₂nē₅ bá₄ jme₁i₂nio₄ jniog₄ ján₃, jmí_{g4} jaun₂,
jme₁chong₂ jme₁jme₂tí'₁ 'a₂ con'₂ lě₂ dsí₄ guio₅₄,
jme₁jme₂tí'₁ a₂mi₅ ni₁ηi₁₂. 'Uig₅₄ lia'₂ con'₂ lě₅
jme₁lág₄ jniog₄ jme₁ca₂tág₂ guéi₁ co₂rě₂ uig₅ gau₂
quió'₅ Diú₄, ju₁lia'₂ lě₅ tīn₃ ca₂le₃jín₃ i₂sián'₂.

⁴ La₁ Diú₄ ně₃, 'uig₅₄ ia₁ a₂ηí₄ lě₃ ηéi₂ dsí₅ bá₄,
ca₂rě₃'nio₃ lín₃ jniog₄.

⁵ Ca₂to'₂ jme₂dsí₂ ca₂jme₃jein'₅₄ jniog₄ co₂lě₅
quian'₅₄ Cristo, lia'₂ con'₂ jme₁lág₄ guē₄ jniog₄ 'lag₄
'uig₅₄ dsáu₁. Ia₁ jmá'₃ lia'₂ quian'₅₄ a₂'ua₁ dsí₅ Diú₄
'ηiog₅ bá₄ ma₂lón'₂ 'nia'₂.

⁶ Jaun₂ le₂nē₅ ca₂chó'₂ co₂lě₅ quian'₅₄ Cristo Jesús
jaun₂ ma₂ca₂dsiog₃ co₂lě₅ quiong'₅₄ guei'₅₄ i₂juí_{g3}.

Le₂në₅ ma₂ca₂jmo₃ ca₂le₃jě₃, ne₄ 'uig₅₄ ia₁ a₂chong₂ jniog₄ rë₂ně₃ le₃quió'₅ Cristo Jesús.

⁷ Le₂në₅ ca₂cuë₃ léi₄ a₂'nio₃ jniog₄ 'ñio₅ lin₃ ca₂le₃jě₃ jmig₄ ja₁já₄ në₅, 'a₂ lia'₂ ñí₄ lë₃ tson₂ a₂'ua₁ dsí₅ a₂ca₂jmo₃ dse₃ dsí₅ ia₁ a₂chong₂ le₃quió'₅ Cristo Jesús.

⁸ Në₃ në₃, tē₂le₃ ia₁ a₂'ua₁ dsí₅ bá₄ Diú₄ ma₂ca₂lón'₂ 'nia'₂, tē₂le₃ ia₁ a₂'éng'₂. A₂ca₂lón'₂ 'nia'₂ në₅ në₃, on₃jua'₅₄ ia₁ 'e₂ cha₂ tín'₂ 'nia'₂ jua'₅₄ a₂ma₂jmo'₅₄ guiong'₅₄; a₂lë₁ca₂ñi'₂ bá₄ 'nia'₂ në₅ ca₂cuë₃ Diú₄.

⁹ On₃jua'₅₄ tē₂le₃ quian'₅₄ a₂jmo₅ dsa₂ guioin₅₄ ia₁jaun₂ 'i₁jan₂ tsá₃ 'ein₂ jmo₃ tán'₅.

¹⁰ Ia₁ lág₅ bá₄ jniog₄ co₂'nió'₄ ta₁ quió'₅ Diú₄ 'ñiog₅; ca₂jmo₃g'₂ jniog₄ le₃quió'₅ Cristo Jesús ia₁jaun₂ quián₁ jui₅ jmó₁ a₂dse₃, jui₅ a₂ma₂ca₂jmo₃ 'éi₂ co₂ñia₅₄ a₂l₁nio₁.

'Ei₅ tei₄ dsí₅ jniog₄ le₃quió'₅ Cristo

¹¹ Le₂në₅ bá₄, jui₁dsiog'₂ 'au'₂ 'nia'₂ 'a₂ lia'₂ jme₁lín₄g'₄ le₂ñiá₅. 'Nia'₂ con'₂ i₂lín₄g'₅ dsí₂nau₂ i₂tsá₃ rë₂uín₄g₄ lo₄, quiong₅ dsa₂ i₂rë₂uín₄g₄ lo₄, (ta₁ jaun₂ a₂jmo₅ dsa₂ mi₂güí₃g₃ quian'₅₄ gu₂);

¹² jui₁dsiog'₂ 'au'₂ 'nia'₂: jmig₄ jaun₂ lia'₂ con'₂ jme₁chang'₂ tsá₃ I₂rë₂'ín₁ quián₅ Diú₄ jme₁chan₂ ja₁con'₂ 'nia'₂; uín₂g₂ bá₄ jme₁tión'₂ 'nia'₂ ja₁lë₄ juig₂ Israel, tsá₃ jme₁cuín'₂ 'nia'₂ já_g₁ a₂jme₁l_í₅₄ dsa₂ juig₂ quián₂ jnia'₅₄ quian'₅₄ Diú₄. Jme₁chan₂ 'nia'₂ mi₂güí₃g₃ la₂ tsá₃ Diú₄ chan₂ quián'₂ 'nia'₂ on₃ guë'₂ jme₁cha₂ jmig₄ jua'₅₄ a₂jme₁tín'₄ 'nia'₂.

¹³ La₁ rë₂ně₃ në₃, ma₂quian'₅₄ 'nia'₂ Cristo Jesús, 'nia'₂ i₂jme₁tióng'₂ uín₂g₂ le₂ñiá₅. Quián₅ bá₄

ma₂tióng'₂ rē₂ně₃ tē₂le₃ quian'₅₄ jmi₂ 'an'₅₄ Cristo.

14 Le₂ně₅ bá₄ ca₂dsióg₃: 'ñiog₅ bá₄ Cristo i₂jmo₅ 'ei₅ tei₄ quián₂ jniog₄. 'Éi₂ bá₄ ca₂jmo₃ ně₃ ca₂chain'₃ co₂ñei'₅₄ jnia'₅₄ dsa₂ judíos quian'₅₄ 'nia'₂ dsi₂nau₂, caun₂ juig₂ bá₄ ca₂jmo₃, ca₂góin₂ bá₄ co₂'nió'₄ ni₁'ia'₂ a₂jme₁chí'₄ a₂jáng'₅ léi₄ a₂jme₁jmo₅ jma₃quén₅ jin₄ jniog₄.

15 Quian'₅₄ ni₁ñi₁₂ 'ñiog₅, ca₂jme₃dsiain₂₃ 'Éi'₃ Juá'₅ a₂jme₁tē₂néi'₂ chi₂quióng₂ jmig₄ jmá'₃ 'éi'₃. Ca₂lē₃ bá₄ ně₃ lia'₂ con'₂ lě₅ ca₂i₃jio₅ dsi₅, ca₂jmo₃ caun₂ juig₂ 'mí₂ quió'₅ 'ñiog₅, ca₂'ág₂ tei₄ quió'₅ dsa₂ le₃tin₃ juig₂.

16 Le₂ně₅ bá₄ ca₂dsióg₃ ca₂lē₃ co₂nió'₃ dsa₂ jē₁ca₂le₃jín₃. Tē₂le₃ quian'₅₄ 'mú₃ quió'₅ ne₄ cróg₄, ca₂jme₃dsian₅ Cristo mi'₅₄ a₂jme₁nió'₅ le₃tin₃ juig₂, ca₂'ág₂ caun₂ jág₁ quian'₅₄ Diú₄.

17 Ca₂guan₃ Cristo quian'₅ jág₁ dse₃ a₂'ag₃ tei₄ quió'₅ ca₂le₃jín₃: le₃quián'₂ 'nia'₂ dsa₂ i₂jme₁tión₂ uíng₂, lia'₂ le₃quián₂ jnia'₅₄ dsa₂ judíos i₂jme₁tio'₅₄ quián₅.

18 Jaun₂ tē₂le₃ quian'₅₄ Cristo, lé₂ le₃jme₁quián₄ jniog₄ ja₁con₂ Tia₅₄ quián₂ tē₂le₃ quian'₅₄ jan₂ Jme₂dsi₂, tsá₃ a₂nag₅₄ o₁jñia'₅₄ la₂ lág₅ jniog₄ dsa₂ judíos o₃ dsi₂nau₂ 'e₂.

19 'Ui_g₅₄ ně₅, ma₂lín'₅ bá₄ 'nia'₂ co₂'nió'₄ dsa₂ i₂'én₂ rin'₅₄ jniog₄ i₂lē₅ 'í₁ quián₅ Diú₄; * tsá₃ ma₃lín'₅ 'nia'₂ dsi₂nau₂ jua'₅₄ tsá₃ cu_{in}₅ jniog₄ rin'₅₄. Ma₂lín'₅ 'nia'₂ chí'₂-guein₂ quián₅ Diú₄ ně₃.

20 Ca₂dsióg₃ lín'₅ 'nia'₂ co₂'nió'₄ caun₂ 'né₅ pa₁; lín'₅ 'nia'₂ ján₃ co₂'nió'₄ ni₁cang₁ a₂juí₅ dsa₂ ne₄ 'ui_g₅₄ 'ia'₂

* 2:19 lit. "dsa₂ jñiós."

a₂ca₂chi' ₃ dsa₂ i₂chen₄ quián₅ Jesús, quian' ₅₄ dsa₂ i₂jme' ₁ě₂ jág₁ o₄quió' ₄ Diú₄ ma₂líg' ₂. 'Niog₅ guë' ₂ Jesucristo lín₅ co₂'nió' ₄ ni₁cang₁ a₂dsen₅₄ guë' ₄.

²¹ Le₃quió' ₅ 'éi₂ ně₃, tsau₂ ta₁ ta₁caun₂ tsi₁'né₅, lě₂ rě₂juí₄ rě₂, ca₂lia' ₂ ca₂dsióg₃ lé₂ caun₂ guá' ₅ a₂lě₅ 'í₁ quió' ₅ Te₁gui' ₅₄.

²² Le₃quió' ₅ 'éi₂ ně₃, 'nia' ₂ bá₄ ján₃ líng' ₅ co₂'nió' ₄ ni₁cang₁ a₂caun₂jui₅ ni₁'ia' ₂, ca₂lia' ₂ ca₂dsi₃nó' ₅ 'nia' ₂ léng' ₂ caun₂ dsi₂néi₂ ja₁guá₄ Diú₄ a₂gu₂dsí₂.

3

A₂niog₅ gu₂ Pa₄ qui'ě₂ jág₁ dse₃ ja₁ con₂ dsí₂nau₂

¹ 'Uig₅₄ ně₅ bá₄ ně₃, jniá₂ Pa₄, jme₂juíng' ₁ Diú₄, ton' ₂ rě₂'eng₅₄ né' ₃ 'má₃ 'uig₅₄ quió' ₄ Cristo Jesús a₂dse₃ o₄quián' ₂ 'nia' ₂ i₂líng' ₅ dsí₂nau₂.

² Líng₂ a₂ma₂le₁ñi' ₅₄ dsón' ₂ bá₄ 'nia' ₂ a₂dse₃ dsí₅ Diú₄ ma₂ca₂dsia₃ gu₃ ta₁ la₂, a₂dse₃ o₄quián' ₂ 'nia' ₂.

³ Ma₂ca₂rě₃ñi' ₅₄ bá₄ 'nia' ₂ jág₁ a₂jme₁rě₂'ma₄ le₂jniá₅, 'e₂ a₂niog₅ dsí₅ jmo₃; ca₂jmo₃ ca₂rě₃guion₅₄, jui₁lia' ₂ ma₂juá' ₃ ca₂j_{on}₄ jág₁ ne₄ si₂ le₂jniá₅.

⁴ Jě₁ma₂ca₂'í' ₂ 'nia' ₂ si₂ ně₅, le₃len' ₅₄ 'nia' ₂ a₂ma₂ñi' ₂ dsí₃ jě₂ jág₁ a₂jme₁rě₂'ma₄ quió' ₅ Cristo,

⁵ caun₂ jág₁ a₂tsá₃ 'ein₂ ca₂rě₃ñi₅ ca₃ma₂líg' ₂, la₁ rě₂ně₃ ně₃ ma₂ca₂jme₃jnia₅ Jme₂dsí₂ quián₅ Diú₄ ja₁con₂ dsa₂ jnió₅ quiáin₅: dsa₂ i₂chen₄ quián₅ Jesús, quian' ₅₄ ja₁con₂ dsa₂ i₂jme' ₁ě₂ jág₁ o₄quió' ₄ ně₃.

⁶ Jág₁ a₂ma₂ca₂rě₃jniá₂, a₂la₂ bá₄ jaun₂: tě₂le₃ quian' ₅₄ jág₁ dse₃ a₂lión₂ dsa₂, tin₃ dsí₂nau₂ gue₃ a₂lě₅ jág₁ cuë₃ Diú₄ co₂rě₂ bá₄ quian' ₅₄ a₂tin₃ dsa₂ judíos. Lín' ₅ 'nia' ₂ dsa₂ i₂tén₅ caun₂ bá₄ ñi₅, ján₃ guë' ₂ tin' ₃

'nia'₂ jág₁ a₂ron₅ cuě₁ quió'₅ Diú₄ le₃quió'₅ Cristo Jesús.

⁷ Jág₁ nē₅ ma₂chén_g'₅ jmo₂₃ ta₁ a₂'ě₅ jág₁ dse₃, lia'₂ con'₂ lě₅ a₂lě₁ca₂cuě₃ Diú₄ a₂'ua₁ dsí₅, lia'₂ con'₂ lě₅ jmo₅ ta₁ jui₅bí₂ quió'₅.

⁸ O₁jnia'₅₄ la₂ lín₅ jniá₂ jan₂ i₂me'₂ guě₄ con'₂ guě₄ i₂tsá₃ 'e₂ quen₅ jě₄ quió'₅ ca₂le₃jín₃ i₂tén₅ le₃quió'₅ Diú₄, * la₁ 'éi₂ ma₂cuě₃ jniá₂ a₂dse₃ nē₅ a₂'ě₄ jág₁ jin₄ dsi₂nau₂, caun₂ jág₁ dse₃ a₂le₃chong₂ jniog₄ dse₃ guě₄ lín₃ a₂jme₃gu'₅₄ Cristo, ca₂lia'₂ tsá₃ lé₂ le₃jua'₅₄ a₂le₃ñí'₂ dsí₅ dsa₂.

⁹ Ma₂ca₂dsia₃ gu₃ ta₁ la₂ a₂jme₁jniag₅ ja₁con₂ ca₂le₃jín₃, jág₁ dse₃ a₂jme₁rě₂'ma₄, ca₂le₃ ca₂nio₃ mi₂gü₃, 'a₂ lia'₂ 'nio₃ Diú₄ lé₂. Ia₁ 'éi₂ bá₄ i₂ca₂jmo₃ ca₂le₃jě₃ 'e₂ a₂cha₂.

¹⁰ Ca₂i₃jiog₅ dsí₅ jmo₃ tē₂le₃ quian'₅₄ dsa₂ quiáin₅, jui₁le₂ñi₅ ca₂le₃jín₃ i₂'io₅ jui₅bí₂, i₂lín₅ ta₁ tion'₅₄ guei'₅₄, 'líong₂ ne₅₄ 'ñio₅ lín₃ bá₄ a₂ñí'₂ dsí₅ Diú₄;

¹¹ jaun₂ jui₁le₂ñi₅ bá₄, Diú₄ ca₂jmo₃ le₂nē₅ con'₂ lě₅ i₃jiog₅ dsí₅ jmo₃ co₂tan₅₄ tē₂le₃ quian'₅₄ Te₁gui'₅₄ Jesucristo.

¹² Tē₂le₃ quian'₅₄ Cristo cha₂ ju₅ quián₂ a₂lé₂ le₃jme₁quián₄ jniog₄ dsiá₁ tiá₂ dsí₅ ja₁con₂ Diú₄, caun₂ bá₄ le₁'ág₄ dsí₅ 'uig₅₄ ia₁ a₂'éin₂ le₃quió'₅ 'éi₂.

¹³ Jaun₂ lě₃, chi₂len'₄ jniá₂ 'nia'₂ a₂tsá₃ 'ág'₂ caun₂-tin₃ 'au'₂ 'uig₅₄ ia₁ a₂chang₂ ñag₅₄ uig₅ o₄quián'₂ 'nia'₂, la₁ia₁ dse₃ tē₂le₃ ja₁con'₂ 'nia'₂, ia₁ le₂nē₅ bá₄ dsióg₅ a₂le₃juin'₂ 'nia'₂.

A₂ lia'₂ tson₂ ca₂rě₃'nio₃ Cristo jniog₄

* **3:8** lit. "ca₂le₃jín₃ dsa₂ jnió₅."

14 'Uig₅₄ nē₅ bá₄, no₂₃ chi₂jne₅₄ ne₄ Diú₄ Jmei₂
Te₁gui'₅₄ Jesucristo,

15 i₂lín₅ jmei₂ ca₂le₃jín₃ i₂chan₂ guei'₅₄ i₂juíg₃
quian'₅₄ i₂chan₂ ne₄ gua'₅₄ 'uē₃.

16 Mi₅ jniá₂ ne₄ Tia₅₄ a₂jmo₃ tē₂'au'₂ 'nia'₂, cuē₃
jui₅bí₂ bēn₂ jlá'₁ quió'₅ tē₂le₃ quian'₅₄ Jme₂dsi₂
quiáin₅,

17 ia₁jaun₂ tē₂le₃ jnia'₅₄ 'a₂ con'₂ 'én'₂ bá₄ 'nia'₂,
jiá₃ Cristo ja₃guá₃ tē₂'au'₂ 'nia'₂. Le₂nē₅ jē₁ma₂tió'n'₂
'nia'₂ tiá₂ lé₂ co₂'nió'₄ quile₁'má₂ jmú₄ jí'₂ lín₃,
jme₁'nió'₄ 'nia'₂ ríng'₂.

18 Mi₅ jniá₂ a₂lé₂ le₃ñí'₂ 'au'₂ 'nia'₂, quian'₅₄
ca₂le₃jín₃ con'₂ i₂ma₂lě₅ 'í₁ quiáin₅,† a₂juē'₂ lín₃,
ton'₂ a₂cu₂ lín₃, ton'₂ a₂ñei₅ lín₃, a₂ji'₂ lín₃ bá₄, 'a₂ lia'₂
'nio₃ Cristo jniog₄.

19 Mi₅ jniá₂ ne₅₄, jui₁le₂cuin'₂ 'nia'₂ a₂nē₅ a₂lě₅
a₂juē'₂ lín₃, on₃jua'₅₄ ia₁ a₂le₃cuí'₅ le₃ñí'₂ dsi₅ dsa₂;
mi₅ jniá₂ ia₁jaun₂ le₂nē₅ tiáng'₄ le₃chang'₂ co₂ñei'₅₄
qui₂rē₂rín₅ tē₂'au'₂ ca₂le₃jě₃ 'a₂ lia'₂ lín₅ Diú₄.

20 Jaun₂ ně₃, jui₁le₂juin'₂ bá₄ Diú₄, i₂lé₂ le₃jmo₃
tson₂ guě₄ lia'₂ con'₂ guě₄ a₂mi₂jniog₄, lia'₂ con'₂ guě₄
dsi₂jniog₅ dsi₅ ně₃, tē₂le₃ quian'₅₄ bí₂ a₂jmo₂₃ ja₁con₂
jniog₄.

21 jui₁le₂juin'₂ bá₄ Diú₄ ja₁con₂ guá'₅ quiáin₅ tē₂le₃
quian'₅₄ Cristo Jesús, ca₂lia'₂ con'₂ tan₅₄ ca₂le₃jě₃
tsi₁jon₂ dsa₂ i₂ja₃lén₂ chi₁quín₃ ca₂le₃jě₃ ñi₂ co₂tan₅₄!
A₂méi₃.

4

Chong₂ jniog₄ 'ei₅ caun₂ jág₁ tē₂le₃ quian'₅₄ Jme₂dsi₂

† 3:18 lit. "ca₂le₃jín₃ dsa₂ jñiós."

1 Uig⁵⁴ nē⁵ bá⁴ ně³, rē²jníg⁵ né³ 'má³ o⁴quió⁴
Te¹gui⁵⁴, chí²len⁴ jniá² 'nia² a²tiáng⁴ lia² con²
dsi²ten⁵⁴ ca²tín² le³chan² dsa² i²té⁴ quián⁵ Diú⁴, ia¹
a²jaun² bá⁴ ca²tě³ 'nia².

2 Jmo⁴ 'nia² meg², 'ua¹ 'au² quiang⁵⁴ ríng². Jmo⁴
'nia² juín² 'au², tió³ 'au² jmo⁴ quiang⁵⁴ ríng²
le²jang² le²jang² ia¹ a²'nióg³ ríng².

3 Dsen⁵⁴ 'au² 'nia² jmo⁴ tiong⁵⁴ 'ei⁵ tián² caun²
jág¹ tē²le³ quián⁵⁴ Jme²dsí² Jníó⁵, co²'nió⁴ bá⁴ chan²
'nia² qui²rē²queng⁵⁴ quián⁵⁴ ríng² 'ei⁵ tei⁴.

4 Lág⁵ jniog⁴ caun² bá⁴ η¹₅ ta¹caun² nió³, ján³
guē² jan² bá⁴ Jme²dsí² táng³, a²tián⁴ 'nia² le²nē⁵
bá⁴ ma²ca²tě³ Diú⁴ caun² bá⁴ jmig⁴ a²'ín² 'au² 'nia²
chang².

5 Jan² bá⁴ Te¹gui⁵⁴ i²lín⁵ juig⁵⁴ jniog⁴ chan², caun²
bá⁴ a²'éin² jniog⁴, ján³ guē² ca²le³jág³ bá⁴ jniog⁴
ca²jńó² jmig² le³quió⁵ jan² bá⁴ Te¹gui⁵⁴.

6 Jan² bá⁴ Diú⁴ chan² i²lín⁵ Tia⁵⁴ quián² jniog⁴
ca²le³jág³. 'Éi² bá⁴ i²niog⁵ gu² jniog⁴ ca²le³jág³; 'éi²
bá⁴ i²jmo⁵ ta¹ ja¹con² jniog⁴ ca²le³jág³; 'ein⁵⁴ ja¹con²
jniog⁴ ca²le³jág³ ně³.

7 La¹ le²jau² le²jau² bá⁴ jniog⁴ jma³quén⁵ lě⁵
bí² a²ma²ca²ηag², lia² con² lě⁵ ma²ca²dsi³ó³ Cristo
quió⁵.

8 Jaun² lě³ juá² ne⁴ Si²:
Ca²uíg² guei⁵⁴ i²juíg³
te² le¹'ηe⁵⁴ ca²le³jín³ i²ca²lí³,
jaun² ca²dsi³ó³ bí² jma³quén⁵
ca²cuě³ dsa² mi²güíg³.*

* 4:8 Salmo 68:18; 'Nió² ja¹ton⁵ Colosenses 2:15.

9 Jaun₂, ç'e₂ jág₁ dsau₅ jein₅ jág₁ “A₂ca₂uíg₂” në₅ në₃? Jñia'₅₄ lia'₂ juá'₂ le₂'uíg₅₄ ca₂sióin₃ ja₁lě₄ ja₁'uin₃ guě₄ 'ñio₅ lin₃ ne₄ gua'₅₄ 'uě₃.

10 I₂ca₂sióin₃ 'éi₂ bá₄ ján₃, i₂ca₂uíg₂ táng₃ ja₁lě₄ ja₁ñei₅ guě₄ guei'₅₄ i₂juíg₃, ia₁jaun₂ jme₃cain'₂ ca₂le₂con₂ quián'₅₄ Jme₂dsí₂ quiáin₅.

11 Jaun₂ jma₃quén₅ ca₂chein'₃ dsa₂ quiáin₅ ca₂cuě₃ bí₂ ca₂cuě'₃ le₂jan₂ le₂jan₂; i₂lin₅₄ ca₂chein'₃ a₂lén₂ i₂chen₄ quiáin₅; i₂lin₅₄ guě'₂ ca₂ñi₂ bí₂ a₂lé₂ nág₃ jág₁ a₂guéi'₅ quió'₅ Diú₄; i₂lin₅₄ guě'₂ ca₂cuě'₃ bí₂ a₂qui₂dsi₃'ě₃ jág₁ dse₃ a₂lión₂ dsa₂; i₂lin₅₄ guě'₂ ca₂cuě'₃ bí₂ a₂lén₂ dsa₂ i₂'ě₂ jág₁ i₂jme₂tin₅ guá'₅.

12 Le₂ně₅ qui₂ca₂chein'₃ dsa₂ guá'₅ ia₁jaun₂ jmo₃ co₂ñia₅₄ dsa₂ quiáin₅ a₂jme₃ti₃ ta₁ a₂'nio₃ 'éi₂ lé₂, ia₁jaun₂ caun₂ qui₂dsi₃cón₃ bá₄ ñi₅₄ 'ñiog₅,

13 ca₂lia'₂ ca₂dsi₃náu₅ 'ei₅ caun₂ jág₁ quián'₅₄ rñn'₅₄, 'éin₂ rě₂, ñí'₂ dsi₅ le₃quió'₅ Ja₁ñi'₅₄ Diú₄. Le₂ně₅ bá₄ dsi₁náu₅ léi₂ dsa₂ i₂ma₂ca₂can'₅₄ co₂ñei'₅₄ lia'₂ con'₂ lě₅ lín₅ Cristo 'ñiog₅.

14 Jaun₂ tsá₃ ma₃léi₂ jniog₄ lia'₂ lín₅ i₂bě'₅₄ i₂caun₂ lě₁qui₂rě₂gan₂ tsá₃ uin₅ qui₂jme₂tsíin₃; në₂jag₄ bá₄ a₂qui₂tsag'₂ dsí₂ a₂caun₂ 'ñio₂ dsí₅ bá₄ jui₁'e₂ guě₃ a₂jme₂tag₅ dsa₂, qui₂sě₂sein'₂ jě₁jme₂gau₅ dsa₂ i₂ñi₄ 'ñio₅ 'io₅ mai₅₄, 'nio₃ jiog₃ jui₅ jě₁.tsá₃ dsau₅.

15 Tě₂le₃ 'nió'₅ dsiá₁ jniog₄ jág₁ tí₅ a₂'nio₃ jniog₄ rñn'₅₄. Ca₂tág₂ bá₄ jniog₄ qui₂dsi₃cau'₅₄ ne₄ ca₂le₃jě₃ le₃quió'₅ 'éi₂ i₂lín₅ mi₂dsi₄ quián₂ jniog₄, le₃quió'₅ Cristo bá₄ guě'₂.

16 Tě₂le₃ quián'₅₄ 'éi₂ qui₂dsi₃cau'₅₄ jniog₄ 'a₂ lia'₂ jme₁'nió₄ jniog₄ rñn'₅₄. Lág₅ jniog₄ në₂jag₄ bá₄ caun₂ ni₁ñi₅ a₂qui₂rě₂tion'₅₄ rě₂ le₂caun₂ le₂caun₂

ja₁qui₂le₁chan'₂ quió'₅ dsa₂, jma₃quén₅ bá₄ lě₅ ta₁
 quió'₅ qui₂jme'₂on₅₄ r'in'₅₄, ca₂lia'₂ ca₂i₃cón₃ rě₂, dse₃
 le₁'ág₄ dsí₅, 'nioi₃ r'in'₅₄ ně₃.

Ju_{i5} 'm_{i2} le₃quió'₅ Cristo

17 A₂la₂ bá₄, juá'₅ jniá₂ chi₂quiang₅₄ jm_ig₄ 'nia'₂
 o₄quió'₄ Te₁gui'₅₄: tsá₃ ma₃ju_{i1}le₂chan'₂ 'nia'₂ ju_{i1}lia'₂
 chan₂ dsa₂ i₂tsá₃ Diú₄ cui_{n5}, ia₁ 'éi₂ ně₃ chain₂ lia'₂
 con'₂ lě₅ niog₅ dsi₅₄ tsá₃ 'e₂ ta₁ tí₄.

18 N_io₅ tē₂le₃ jen₅ bá₄ ma₂ñí'₂ dsí₅, uíng₂ bá₄ chain₂
 ja₁jme₁ca₂tín₂ le₃chain₂ le₃quió'₅ Diú₄, ia₁ lín₅ dsa₂
 i₂co₂ñei'₅₄ tsá₃ 'e₂ tin₂ tsá₃ 'e₂ ñi₅ ia₁ a₂ma₂ca₂rě₃'uá'₃
 dsí₅.

19 Tsá₃ ma₃lí'₄ 'e₂ jaun₂ o₂guí'₃, co₂dsia₅
 ma₂ca₂jín'₂ bá₄ guioin₅₄ ne₄ ca₂le₃jě₃ jmá'₃ lia'₂
 a₂mi₅ ni₁ñi₁₂, caun₂ ma₂'ñio₂ dsí₅ bá₄ jmo₂₃ ca₂le₃jě₃
 ne₅₄ a₂lě₁'iog₅.

20 La₁ 'nia'₂ ně₃, tsá₃ le₂ně₅ ca₂rě₃tíng'₃ le₃quió'₅
 Cristo.

21 Ia₁ dsón'₂ bá₄ ma₂ca₂ñei'₂ 'nia'₂ le₃quió'₅ 'éi₂ lín₂
 jniá₂, jaun₂ ca₂rě₃tíng'₃ bá₄ lia'₂ con'₂ lě₅ ca₂jme₃tag₅
 'éi₂, lia'₂ con'₂ lě₅ jág₁ tí₅ dsón'₂ a₂cha₂ja₁con₂ Jesús.

22 Ca₂rě₃tíng'₃ a₂co₂dsia₅ jñiá'₄ cau₅ lia'₂ con'₂ lě₅
 jme₁lín'₄ le₂ñiá₅, ně₂jag₄ bá₄ dsa₂ i₂co₂ñei'₅₄ jñiá'₂
 tsin'₅₄; a₂jme₁rě₂'én'₄ ne₄ a₂jme₁qui₂rě₂gáng'₃ ne₄
 ca₂le₃jě₃ a₂jme₁'ín₅ 'au'₂ 'nia'₂, con'₂ lě₅ jme₁chang'₂.

23 Ca₂rě₃tíng'₃, a₂ca₂tín'₂ 'nia'₂ jme₁'mag'₂ lia'₂ lě₅
 dsi₂jio₅ 'au'₂.

24 Ca₂rě₃tíng'₃ a₂jmog'₅₄ le₁lín'₄ a₂lín'₅ ně₂jag₄
 bá₄ jan₂ dsa₂ 'm_{i2} i₂ca₂rě₃chán₃ lia'₂ con'₂ lě₅ 'nio₃
 Diú₄, a₂lén'₂ dsa₂ dsen₃ dsón'₂ i₂jñi₅ quiáin₅.

25 Jaun₂ ně₃, jñiá'₃ 'nia'₂ cau₅ jág₁ të₂jág₁, le₂jang'₂ le₂jang'₂, dsia₄ 'nia'₂ jág₁ tí₅ quian'₅₄ dsa₂ mi₂güig₃ ríng'₂, ia₁ ca₂le₃jág₃ bá₄ jniog₄ téi₅ caun₂ ni₁ñí₅.

26 “Chi₂jua'₂ ca₂rě₃'né'₃ 'nia'₂, tsá₃ lě₁'nau₂ 'nia'₂ dso”;[†] tsá₃ cuě₂ 'nia'₂ jmig₄ jua'₅₄ 'í₁ 'nei₂'au'₂ të₁ne₁ jmig₄, ca₂lia'₂ jñia'₅₄ lia'₂ ca₂rin₂ 'iog₂;

27 tsá₃ ná₂ 'nia'₂ jui₅ quió'₅ i₂sě₃dse₃.

28 I₂jme₁'ang₅ guě'₂, tsá₃ ma₃o₁'ang₁₂, të₂le₃ ju₁jmo₁₂ ta₁ quian'₅₄ gu₂-tag₅₄ 'e₂ caun₂ ta₁ dse₃ cha₂, ia₁jaun₂ le₃cha₂ a₂lé₂ jme₃'oin₅₄ ca₂la₂ dsa₂ i₂'nió'₅ quió'₅.

29 Tsá₃ lě₁'uě'₅₄ 'nia'₂ jág₁ 'lig'₅₄ mi₂'o'₅₄; jme₁tin₅ 'nia'₂ dsiá'₁ jmá'₃ lia'₂ jág₁ dse₃, ia₁ a₂ně₅ bá₄ jme₃'o₅₄ a₂qui₂dsi₃cón₃ ríng'₂ i₂'nió'₅ quió'₅ le₃quió'₅ jme₂dsí₂, ton'₂ dse₃ quió'₅ i₂nag₅ ně₃.

30 Tsá₃ jmo₂ 'nia'₂ jén₂ dsí₅ Jme₂dsí₂ Jñi₅ quián₅ Diú₄, ia₁ të₂le₃ quian'₅₄ 'éi₂ ma₂lín'₅ 'nia'₂ léi₄ i₂ma₂lě₅ 'í₁ quián₅ Diú₄ ca₂lia'₂ ca₂tě₂ jmig₄ i₁lión'₂ 'nia'₂ co₂ñei'₅₄.

31 Co₂dsia₅ jñiá'₃ 'nia'₂ a₂dsi'₃ cha₂ të₂'au'₂, ca₂le₃jě₃ guě₄ a₂dsén'₂ 'nia'₂, 'nei₂ a₂'i₄ 'au'₂ ně₃; ca₂le₃jě₃ a₂co₂mi'₅₄ co₂dsio'₅₄ a₂'ne'₂ 'nia'₂, ca₂le₃jě₃ guě₄ jág₁ uig₅ a₂qui₂'ín'₅ 'nia'₂ ríng'₂, ca₂le₃jě₃ ne₅₄ a₂'lig'₅₄ ně₃.

32 Tě₂le₃ jmo₄ 'nia'₂ a₂dse₃ ja₁con₂ ríng'₂ le₂jang'₂ le₂jang'₂, ju₁le₂cha₂ bá₄ a₂ñéi₂ 'au'₂ 'nia'₂, 'én₃ 'nia'₂ dsáu₁ ríng'₂ le₂jang'₂ le₂jang'₂ ju₁lia'₂ ca₂'én₂ Diú₄ dsáu'₂ 'nia'₂ të₂le₃ o₄quió'₄ Cristo.

5

[†] 4:26 Salmo 4:4.

A₂ lia'₂ 'nió'₅ le₃chan₂ chi'₂-guein₂ quián₅ Diú₄

1 Ia₁ a₂lín'₅ 'nia'₂ chi'₂-guein₂ i₂'nió₁ quián₅ Diú₄, quen'₂ 'nia'₂ bí₂ léng'₂ lia'₂ lín₅ 'Éi₂.

2 Jui₁le₂chan'₂ 'nia'₂ 'nióg'₃ ríng'₂, ju₁lia'₂ ca₂rě₃'nio₃ Cristo jniog₄ jaun₂ ca₂jín'₂ o₄quián₂ jniog₄ a₂lín₅ co₂'nió'₄ já'₂ cha'₂ njó₃ rě₂jen'₅₄ ne₄ Diú₄ jain₂ ma₂juig₂ ma₂ro₂.

3 Ia₁ ma₂lín'₅ 'nia'₂ i₂tén₅ le₃quió'₅ Diú₄, ca₂lia'₂ njia'₅₄ tsá₃ 'nió'₅ le₃cha₂ jág₁ jin'₄ 'nia'₂ jua'₅₄ chan₂ i₂nió'₅ jág₁ quian'₅₄ dsa₂ i₂tsá₃ lín₅ dsi₂i₂gu₂, on₃ guë'₂ 'i₁caun₂ a₂siá'₂ a₂lě₁'iog₅ ně₃, on₃ guë'₂ ma₃'nió'₅ le₃chan₂ guë'₄ i₂'ua'₂ dsí₅, ia₁ tsá₃ dsi₂ten₅₄ co₂ñ₂ jua'₅₄ dsa₂ i₂ma₂lě₅ 'i₁ quián₅ Diú₄ jmo₃ guë'₄ le₂ně₅.

4 Tsá₃ lě₁dsia₂ 'nia'₂ jág₁ 'lig'₅₄, on₃ guë'₂ jág₁ ga₂, on₃ guë'₂ ju₁lia'₂ jág₁ njág₄ lě₁'iog₅ ně₃. Ia₁ ca₂le₃jě₃ jág₁ le₂ně₅ tsá₃ dsi₂ten₅₄; ja₂lin₃ guë'₄ dse₃ cuë'₅₄ 'nia'₂ ti₁'mag'₄ Diú₄.

5 Tsá₃ ju₁dsi₂'én₂ 'au'₂ 'nia'₂ a₂la₂: 'i₁jan₂ ju₁lia'₂ i₂nió'₅ jág₁ quian'₅₄ i₂tsá₃ lín₅ dsi₂i₂gu₂, on₃ guë'₂ 'i₁jan₂ ju₁lia'₂ i₂jmo₅-dsá₅ lě₁'iog₅, on₃ guë'₂ ju₁lia'₂ dsa₂ i₂'ua'₂ dsí₅, (ia₁ i₂co₂rín₂ bá₄ dsa₂ i₂'ua'₂ dsí₅ quian'₅₄ ju₁lia'₂ dsa₂ i₂jme₂juin'₂ diú₄ lag₄), o₁líg'₂ tsá₃ lě₂ le₃tiin₃ ja₁gon₂ Cristo quian'₅₄ Diú₄.

6 'I₁jan₂ tsá₃ 'ein₂ ju₁jme₂gau₅ 'nia'₂ quian'₅₄ jág₁ a₂tsá₃ ta₁ tí₄, ia₁ 'uig₅₄ ně₅ bá₄ já₅ uig₅ gau₂ quió'₅ Diú₄ ne₄ quió'₅ jaun₅ dsa₂ i₂tsá₃ ne'₅₄.

7 Jaun₂ 'nia'₂ ně₃, co₂dsia₅ tsá₃ lě₁tóng'₂ quian'₅₄ dsa₂ le₂'éi₂.

8 Ia₁ le₂jniá₅ jme₁tén'₄ 'nia'₂ caun₂ mi₂güig₃ qui₁né'₃, la₁ rě₂ně₃ ně₃, ma₂tén'₅ 'nia'₂ le₃quió'₅ Te₁gui'₅₄ ja₁jniá₂ si₂. Ju₁le₂chan'₂ 'nia'₂ jaun₂,

jui₁lia'₂ ca₂tín₂ le₃chan₂ chi'₂-guein₂ i₂tén₅ të₂le₃
ja₁jniá'₂ si₂.

⁹ Ia₁ ja₁jniá'₂ si₂ ně₃, rē₂jniá'₂ 'ua₁ dsí'₅ dsa₂, tí₅
já_g₁ quió'₅ dsa₂, a₂rē₂chan₂ dsa₂ quian₅ caun₂ jui₅
co₂dsau₅.

¹⁰ Dsen₅₄ jme₁tin₅ 'nia'₂ 'au'₂ jmó'₂ na₅ a₂tē₅ dsí'₅
Te₁gui'₅₄.

¹¹ Tsá₃ quen'₅₄ 'nia'₂ jē₄ 'e₂ a₂tsá₃ ta₁ tí₄ a₂niog₅
jmo₅-dsá₅ dsa₂ i₂tén₅ jē₄ qui₁né'₃; ja₂lin₃ guē₄ dse₃
jme₁jnia₅ 'nia'₂ a₂jaun₂ të₂le₃ ja₁jniá'₂ si₂.

¹² Ia₁ caun₂ lē₂o₂guí'₃ bá₄, jua'₅₄ la₂ dsia₃ dsa₂
a₂jmo₅ dsa₂ 'éi₂ jē₄ tē₃co'₅₄.

¹³ La₁ ca₂le₃jē₃ bá₄ rē₂jniá'₂ jē₂ma₂ca₂tág'₃ si₂.

¹⁴ Ia₁ quian'₅₄ si₂ bá₄ jmo₅ a₂rē₂jniá'₂ ca₂le₃jē₃.
'Uig₅₄ jaun₂ guē'₂ juá'₂:

Jme₁jnio₂ ne'₅₄, 'ne₂ i₂rē₂güín₃; nau₂, jú₅ jin₄ 'lag₄;
jaun₂ jmo₃ Cristo tág₅ si₂ quió'₅ ja₁cong'₂.

¹⁵ Jaun₂ lē₃, rē₂ de'₂ quion₂ 'nia'₂ 'í₁ 'a₂ lia'₂ i₂niog'₅₄.
Jaun₂ tsá₃ ma₃i₁niog'₄ jui₁lia'₂ i₂nio₄ dsa₂ i₂tsá₃ 'e₂ ŋí'₂
dsí'₅; jui₁i₂nio'₄ bá₄ 'nia'₂ a₂líng'₅ dsa₂ i₂tin₂, i₂ŋí'₂ dsí'₅.

¹⁶ Quen'₂ 'nia'₂ bí₂, ně₃ lia'₂ cuin₅ jmíg₄, a₂jmó'₂
'nia'₂ a₂dse₃, ia₁ 'ŋio₅ jui₁si ma₂'lin'₅₄ dsa₂ jmíg₄
rē₂nē₃.

¹⁷ Jaun₂ lē₃, tsá₃ jme₁con₅₄ 'nia'₂ 'au'₂; dsen₅₄ 'au'₂
'nia'₂ jmo₄ jui₁le₂ŋíg'₂ na₅ a₂'ŋio₂ dsí'₅ Te₁gui'₅₄.

¹⁸ Tsá₃ jui₁qui₂le₂'en'₅ 'nia'₂ quian'₅₄ ti₁jmíg₃,
ia₁ a₂nē₅ bá₄ jiog₅ jui₅ ja₁dsi₂'én₂ dsa₂; të₂le₃
jui₁jme₂can'₂ 'nia'₂ quian'₅₄ Jme₂dsí₂ Jnió₅.

¹⁹ Dsia₄ 'nia'₂ le₂jang'₂ le₂jang'₂ qui₁juig'₅₄
rín_g'₂ quian'₅₄ salmos, quian'₅₄ himnos, quian'₅₄

son₅₄ a₂gu₂dsí₂, 'ë₄ 'nia'₂ jmo₄ son₅₄ jui₅ të₂'au'₂
a₂jme₁juíng'₂ Te₁gui'₅₄.

20 Jui₁i₂nio'₄ bá₄ 'nia'₂ co₂tan₅₄ cuë'₅₄ ti₁'mag'₄ Diú₄
i₂lín₅ Tia₅₄ quián₂ o₄quió'₄ ca₂le₃jě₃, lia'₂ con'₂ lě₅ bí₂
quió'₅ Te₁gui'₅₄ Jesucristo quián₂ jniog₄.

*A₂ lia'₂ 'nió'₅ le₃chan₂ dsa₂ 'én₂ ta₁caun₂ nió'₃ lia'₂
caun₂ dsi₂néi₂*

21 Tión'₂ 'nia'₂ 'éi'₃ quió'₅ ríng'₂ le₂jang'₂ le₂jang'₂,
ia₁ a₂gan'₃ 'nia'₂ Cristo.*

22 'Nia'₂ dsa₂ mí₂, tión'₂ 'nia'₂ 'éi'₃ quió'₅ dsa₂ ηe'₂
quiáng'₂, jui₁lia'₂ tion'₅₄ 'nia'₂ 'éi'₃ quió'₅ Te₁gui'₅₄.

23 Ia₁ dsa₂ ηe'₂ bá₄ i₂lín₅ mi₂dsi₄ quián₅ 'io₅₄,
jui₁lia'₂ lín₅ Cristo mi₂dsi₄ quián₅ guá'₅. Cristo bá₄
ján₃ i₂lín₅ i₂ma₂lió₂ quián₅ guá'₅, ia₁ guá'₅ guë'₂ ně₃
lě₅ co₂'nió'₄ ni₁ηi₁₂ 'ηiog₅.

24 Le₂ně₅ jui₁lia'₂ guá'₅ tioin'₅₄ 'éi'₃ quió'₅ Cristo,
ján₃ bá₄ le₂ně₅ jui₁lia'₂ dsa₂ mí₂ ca₂tíin₂ tóin'₃ 'éi'₃
quió'₅ dsi₂i₂gu₂ jě₄ ca₂le₃jě₃.

25 'Nia'₂ dsa₂ ηe'₂ guë'₂ ně₃, jme₁'nió₄ 'nia'₂ dsa₂ mí₂
quiáng'₂ jui₁lia'₂ ca₂jmo₃ Cristo ca₂jme₃'nioi₃ guá'₅,
ca₂le₃jě₃ ca₂guein'₃ 'mú₃ o₄quió'₄ 'éi₂.

26 Le₂ně₅ ca₂jmo₃ ia₁jaun₂ ma₂lě₅ 'í₁ Guá'₅
ca₂jme₃dse₃ ca₂ráng'₂ ně₂jag₄ bá₄ quian'₅₄ jmig₂
të₂le₃ quian'₅₄ jág₁ quió'₅;

27 ia₁jaun₂ jme₃jniog₂₃ chei'₃ ne₅₄ 'ηiog₅ a₂lág₅
guá'₅ i₂jlán'₁ i₂tsá₃ rě₂'ηió₄ 'i₁caun₂, on₃ guë'₂ cha₂
jua'₅₄ ja₁lě₄ qui₂lě₂tsín'₃ quió'₅, on₃ guë'₂ 'i₁caun₂
guë'₄ jua'₅₄ a₂siá'₂ lě₅, jaun₂ dsióg₄ lín₅ caun₂ guá'₅
i₂lě₅ 'í₁ quián₅ i₂dsen₃ guë'₄ lín₃.

* 5:21 A₂lín₅₄ chog₅₄ si₂: "ia₁ a₂gan'₃ 'nia'₂ Diú₄."

28 Le₂nē₅ bá₄ ján₃, ca₂tín₂ dsa₂ ηe'₂ jme₃'nioi₃ dsa₂ mǐ₂ quiáin₅, jui₁lia'₂ 'nio₃ ηi₅₄ 'ηiog₅. I₂'nio₃ dsa₂ mǐ₂ quián₅, 'nioi₃ 'ηiog₅ bá₄ ján₃.

29 Ia₁ 'i₁jan₂ tsá₃ jua'₅₄ 'io'₅₄ ni₁ηi₁₂ 'ηiog₅, tē₂le₃ jme₂tau₅₄, jmo₂₃ 'í₁, jui₁lia'₂ jmo₅ Cristo ján₃ quian'₅₄ guá'₅,

30 ia₁ le₂jau₂ le₂jau₂ jniog₄ téi₅ ni₁ηi₁† 'éi₂.

31 “Jaun₂ bá₄ lē₃ ca₂tín₂ dsa₂ ηe'₂ qui₃téin₂ chog₅₄-jmei₂, con'₂ tiain'₃ jme₃quian'₅₄ dsa₂ mǐ₂ quián₅, ia₁jaun₂ dsióg₄ léin₂ caun₂ bá₄ ηí₅ jē₁le₃oin₃ le₂jaun₂.”‡

32 Já_{g1} nē₅ lē₅ caun₂ já_{g1} juē'₂ a₂ma₂ca₂rē₃jniá₂. La₁ juá'₅ jniá₂ 'íng₅ Cristo quian'₅₄ guá'₅ quián₅.

33 La₁ nē₃ nē₃, le₂jan'₂ le₂jan'₂ 'nia'₂ jme₁'nió₄ dsa₂ mǐ₂ quiáng'₂, jui₁lia'₂ 'nióg'₃ guiong'₅₄; ján₃ guē'₂ le₂jaun₂ dsa₂ mǐ₂ ca₂tín₂ jme₃gain₃ dsi₂i₂gu₂.

6

1 'Nia'₂ i₂líng'₅ chi'₂, ca₂tíng'₂ le₃quió'₅ Te₁gui'₅₄ nág'₁ gau₂ 'e₂ te₂néi'₂ chog'₂-ηéi'₅ 'nia'₂, ia₁ le₂nē₅ bá₄ dse₃.

2 Le₂la₂ juá'₂ jē₁le₂'uig₅₄ 'éi'₃ quió'₅ Diú₄ ja₁juá'₂ cha₂ a₂cuē₃: “Jme₁gan₃ 'nia'₂ chog'₂-ηéi'₅,

3 ia₁jaun₂ bá₄ dse₃ le₃chang'₂ ton'₂ uē₂ le₃chang'₂ ne₄ gua'₅₄ 'uē₃.”*

4 'Nia'₂ guē'₂ jmei₂ chi'₂, tsá₃ jmag'₅₄ chi'₂ quiáng'₂ jua'₅₄ a₂lē₁jmai'₅₄, ia₁jaun₂ tsá₃ uē₂ 'í₂ 'nei₂ dsí₅, tē₂le₃ 'nió'₅ tsin'₅₄ 'nia'₂ caun₂ jui₅ rē₂, a₂jme₁tiin'₅ le₃quió'₅ Te₁gui'₅₄.

† 5:30 A₂lin₅₄ chog₅₄ si₂: “quian'₅₄ mu₅ 'ein₅₄ nē₃.” ‡ 5:31 Génesis

2:24. * 6:3 Deuteronomio 5:16.

5 'Nia'₂ guë'₂ dsa₂ i₂jme₂ti₃ ta₁ ne₄ dsa₂, jme₁ti₁ 'nia'₂ ta₁ a₂te₂néi'₂ juig'₂ 'nia'₂ ne₄ gua'₅₄ 'uë'₃ la₂, ju₁le₂tin₂ 'au'₂ 'nia'₂ 'ei'₅ gau₂ ton'₂ tí₅ jág₁ quián'₂ 'nia'₂, jmo₄ 'nia'₂ në₂jag₄ bá₄ a₂jme₂tí'₁ ta₁ ne₄ Cristo.

6 Jme₁ti₁ 'nia'₂, on₃jua'₅₄ jmá'₃ lia'₂ jme₁jág₅ jua'₅₄ a₂'náu'₂ 'nia'₂ ju₁5 a₂jñia'₅₄ con'₂ tíong'₂ dse₃ quiain'₅₄; jmo₄ 'nia'₂ a₂líng'₅ i₂jme₂ti₃ ne₄ Cristo, jmo₄ 'nia'₂ a₂'nio₃ Diú₄ ca₂le₃jě₃ 'au'₂.

7 Jaun₂ 'ñio₂ 'au'₂ 'nia'₂ jme₁ti₁, co₂'nió'₄ bá₄ a₂jme₂tí'₁ ta₁ ne₄ Te₁gui'₅₄; on₃jua'₅₄ rë'₂ ne₄ dsa₂ mi₂güí₃.

8 Ia₁ ma₂ñi'₅₄ bá₄ 'nia'₂, cuë₃ Te₁gui'₅₄ 'lian'₅₄ dsa₂ ca₂le₃jín₃ lia'₂ con'₂ lë₅ a₂dse₃ a₂ma₂ca₂jmo₃, o₁jñia'₅₄ dsa₂ i₂jme₂ti₃ ta₁ ne₄ juig'₅₄, o₃ i₂tsá₃ 'ein₂ ne₄ jme₂ti₃ 'e₂.

9 'Nia'₂ guë'₂ i₂lín₅ juig'₅₄, le₂në₅ bá₄ jmo₄ 'nia'₂ ján₃ quian'₅₄ dsa₂ i₂jme₂ti₃ ta₁ ne'₅₄. Tsá₃ ma₃quian'₅₄ 'nia'₂ juë'₅. Ia₁ ma₂ñi'₅₄ bá₄ 'nia'₂, jan₂ Juig'₂ 'nia'₂ chan₂, i₂guá₅ guei'₅₄ i₂juí₃, i₂lín₅ Juig'₅₄, lia'₂ ne₄ 'nia'₂, lia'₂ ne₄ dsa₂ i₂jme₂ti₃ ne'₅₄ 'nia'₂. 'Éi₂ bá₄ tsá₃ jma₃quén₅ jín₂ dsa₂.

'E₂ quian'₅₄ jmo₅ dsa₂ 'én₂ 'nei₂ a₂gu₂dsí₂

10 Në₃ në₃, jë₁ca₂tó'₂ juá'₅ jniá₂ juig'₂ 'nia'₂, rin'₅₄ jniog₄: Nau₂ 'nia'₂ tiá₂ le₃quió'₅ Te₁gui'₅₄, quian'₅₄ ju₁5bí₂ bën₂ quió'₅.

11 Qui'₂ 'nia'₂ ca₂le₃jě₃ 'e₂ a₂cuë₅ Diú₄ le₁lín'₄ 'nia'₂ jmo₄, co₂'nió'₄ bá₄ jan₂ 'lióg₂, ia₁ jaun₂ bá₄ tian'₃ 'nia'₂ náu'₁ tiá₂ ne₄ mai₅₄ quió'₅ i₂së₃dsen₃.

12 Ia₁ on₃jua'₅₄ quian'₅₄ dsa₂ mi₂güí₃ rin'₅₄ jniog₄ cág'₂; quian'₅₄ i₂lín₅ co₂'nió'₄ dsí₂tan₅₄ gu₂dsí₂, quian'₅₄ jme₂dsí₂ i₂'io₅ ju₁5bí₂, quian'₅₄ jme₂dsí₂

i₂gon₂jmo₅'éi'₃ i₂jmo₅ qui₁né'₃ mi₂güig₃ la₂, quian'₅₄
guě₄ 'lióg₂ 'lin'₅₄ gu₂dsí₂ i₂i₂nio₄ gon₂ dsi₁güig₂ bá₄
cág'₂ jniog₄.

13 Jaun₂ lě₃, quian₂ le₁lin'₄ 'nia'₂ jmo₄ quian'₅₄
ca₂le₃jě₃ a₂le₃lon'₄ 'nia'₂ a₂cuě₅ Diú₄, ia₁jaun₂ bá₄
tian'₃ 'nia'₂ tíong'₂ tiá₂ jě₁ma₂tě₂ rě₁jmóg'₂ 'nei₂
i₂sě₃dsen₃, ia₁jaun₂ cang₂ jě₁ma₂ca₂lin'₃ 'nia'₂ 'nei₂
ně₃, lia'₂ ma₂tión'₂ jaun₂ bá₄ 'nia'₂ tiá₂.

14 Nau₂ 'nia'₂ tiá₂ jaun₂ ně₃, co₂'nió'₄
a₂qui₂rě₂'ňe'₅₄ tog'₂ quian'₅₄ jág₁ tí₅, a₂lě₅ co₂'nió'₄
lau₂ rě₂jén'₅ tog'₂ 'nia'₂, lě₅ 'í₁; quian₂ 'nia'₂ caun₂
ju₁ co₂dsau₅ a₂lě₅ 'í₁ le₁'au'₂ co₂'nió'₄ bá₄ ju₁lia'₂
jan₂ 'lióg₂ i₂rě₂lióg₃ ň₁le₁dsí₅.

15 Chan'₂ 'nia'₂ rě₂jáng'₁ a₂'ě'₄ jág₁ dse₃ a₂'ag₃ tei₄
ja₁con₂ dsa₂, a₂lín'₅ ně₂jag₄ bá₄ jan₂ 'lióg₂ chén'₅
rě₂ján₁ rě₂lin'₅₄ ton₅ lau₂ tag₅₄.

16 Ne₄ ca₂le₃jě₃ a₂ně₅, ju₁le₂cha₂ 'én'₂ 'nia'₂
ia₁jaun₂ lě₅ ně₂jag₄ co₂'nió'₄ caun₂ ň₁l₂ a₂chan'₄
'nia'₂ a₂rě₂quion'₅₄ 'nia'₂ a₂long'₅₄, co₂'54 a₂jaun₂
qui₂éi₃ 'ma₂ chen'₂ le₁guí'₂ si₂ a₂qui₂jnáu'₂ i₂sě₃dsen₃
jnái'₂ 'nia'₂.

17 Ju₁ ma₂lón'₂ 'nia'₂ chang'₂ ně₅, ju₁le₅₄ bá₄
ju₁lia'₂ lě₅ ň₁'i₄ dsi₄ 'lióg₂, lě₅ 'í₁; ton'₂ quian₂ 'nia'₂
jág₁ quió'₅ Diú₄ a₂lě₅ ň₁tág₂ quió'₅ Jme₂dsí₂, a₂cuě'₅
'nia'₂.

18 Chi₁len'₄ 'nia'₂ Diú₄ le₃quian'₅₄ Jme₂dsí₂,
ca₂le₃jě₃ 'e₂ caun₂ a₂lě₅, ca₂le₃jě₃ ne₅₄ a₂mi'₂ 'nia'₂
juig'₂ Diú₄. 'Uig₅₄ ně₅ ně₃, chan'₂ 'nia'₂ rě₂jáng'₁
co₂tan₅₄ mi₄ 'nia'₂ o₄quió'₄ ca₂le₃jín₃ i₂ma₂tén₅
le₃quió'₅ Diú₄.

19 Chi₁len'₄ 'nia'₂ Diú₄ ján₃, o₄quió'₃ jniá₂, ia₁jaun₂
bá₄ jmo₃ Diú₄ dsi₃ 'a₂ lia'₂ juá'₄ jág₁, jaun₂ nio₃ tiá₂

dsi₃ ně₃ a₂'ě₄ jág₁ dse₃ a₂jme₁rě₂'ma₄ quió'₅ Diú₄.

20 Diú₄ ma₂ca₂chei₃ jniá₂ a₂líng₄ i₂chen₄ quiáin₅ quian₅₄ jág₁ dse₃; 'uig₅₄ ně₅ bá₄ ně₃ dseng₅₄ cadena 'eng₅₄. Chi₁len'₄ 'nia'₂ Diú₄ ia₁jaun₂ nio₃ tiá₂ dsi₃ 'ě₄ jág₁ dse₃ la₂, lia'₂ con'₂ dsi₂ten₅₄ ca₂tíng₂ jmo₅₄.

Cuag₂₃ Diú₄ jě₁ca₂tó'₂

21 Tíquico, rin'₅₄ jniog₄ i₂'nióg₃ guě₄ lín₃, i₂jme₂ti₃ i₂jme₂o₅₄ quian'₅₄ ta₁ quió'₅ Te₁gui'₅₄, 'éi₂ bá₄ quian₅ ca₂le₃jě₃ jág₁ tsí'₃ 'nia'₂ ia₁jaun₂ le₃ŋi'₅₄ 'nia'₂ 'a₂ lia'₂ lě₅ chang₂, quian'₅₄ 'e₂ a₂jmo₂₃ ně₃.

22 Jaun₂ bá₄ lě₃ tsíin₂ jniá₂ ja₁tion'₅₄ 'nia'₂, ia₁jaun₂ le₃ŋi'₅₄ 'a₂ lia'₂ lě₅ chong₂ jnia'₅₄ ia₁jaun₂ cué'₅₄ 'nia'₂ lián'₂ 'au'₂.

23 Jui₁jmo₅₄ Diú₄ Tia₅₄ quián₂, quian'₅₄ Te₁gui'₅₄ Jesucristo ně₃, 'ei₅ tei₄ tiong'₅₄, 'nió'₃ 'nia'₂ ríng'₂, 'én'₂ 'nia'₂ ně₃.

24 Jui₁jme₂gu'₅₄ bá₄ Diú₄ ca₂le₃jín₃ i₂tsá₃ líg'₂ jmig₄ téi₂ i₂'nio₃ Te₁gui'₅₄ Jesucristo quián₂ jniog₄.

Co₂ně₅.

Jag₁ 'mí₂ a₂ma₂li'₅₄ quian'₅₄ Diu₄
New Testament in Chinantec, Tepetotutla
(MX:cnt:Chinantec, Tepetotutla)

copyright © 1994 Wycliffe Bible Translators, Inc.

Language: Chinantec, Tepetotutla

Translation by: Wycliffe Bible Translators, Inc.

Chinanteco, Tepetotutla [cnt], Mexico

Copyright Information

© 1994, Wycliffe Bible Translators, Inc.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Chinantec, Tepetotutla

© 1994, Wycliffe Bible Translators, Inc.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-22

PDF generated using Haiola and XeLaTeX on 18 Apr 2025 from source files
dated 30 Dec 2021

5c52af9e-3086-5d57-9b7e-2e495fea8899